

Mohd Amirul Kasyful Nur bin Zulkifli

From: UUM CORPORATE COMM.
Sent: 15 Jun 2021 10:17
To: UUM - All Staff; UUM - All Students
Subject: Pelajar UUM Terima Anugerah Pelajar Terbaik Perakaunan MIA 2020



UUM Corporate Comm.

Universiti Utara Malaysia

15 JUN 2021 / 5 ZULKAEDAH 1442H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: CIG, UUM Corporate Communication

PELAJAR UUM TERIMA ANUGERAH PELAJAR TERBAIK PERAKAUNAN MIA 2020

The image is a celebratory banner for the Best Accounting Student Award 2020. On the left, a circular portrait of Wong Wei Qi, a young woman with dark hair, wearing a white turtleneck and a dark blazer, is set against a blue and yellow background. To the right of the portrait, the text 'SETINGGI-TINGGI TAHNIAH' is written in large, bold, blue capital letters. Below this, the name 'WONG WEI QI' is written in bold yellow capital letters. Underneath the name, it says 'TUNKU PUTERI INTAN SAFINAZ SCHOOL OF ACCOUNTANCY' and 'UNIVERSITI UTARA MALAYSIA' in blue capital letters. Further down, the text 'atas kejayaan' is written in a cursive font, followed by 'BEST ACCOUNTING STUDENT AWARD 2020' in bold blue capital letters. Below that, 'oleh' is written in a cursive font, followed by 'The Malaysian Institute of Accountants (MIA)' in blue capital letters. At the bottom right, there is a signature 'Ikhtas daripada' followed by 'Pengerusi dan Ahli Lembaga Pengarah Universiti, Naib Canselor dan Seluruh Warga Universiti Utara Malaysia' in blue capital letters. The bottom of the banner features a row of logos, including CIG, AMBA, EQUIS, AACSB, and others. The background of the banner is a mix of yellow and blue with a subtle pattern of stars and dots.

UUM ONLINE: Pelajar Sarjana Muda Perakaunan (Sistem Maklumat), Wong Wei Qi mengharumkan nama Universiti Utara Malaysia (UUM) apabila diumumkan sebagai penerima Anugerah Pelajar Terbaik Perakaunan 2020 oleh Institut Perakaunan Malaysia (MIA) pada Persidangan Antarabangsa MIA 2021 yang diadakan secara atas talian, baru-baru ini.

Susulan pengiktirafan tersebut, Wei Qi, 23, akan menerima biasiswa pembangunan profesional daripada Institute of Chartered Accountants in England and Wales (ICAEW) dan wang tunai berjumlah RM500.

Pelajar tahun akhir dari Pusat Pengajian Perakaunan Tunku Puteri Intan Safinaz (TISSA-UUM) itu kini sedang mengikuti latihan industri di Boston Consulting Group sebelum menamatkan pengajian di UUM.

Wei Qi berkata, pada awalnya dia menerima mesej daripada Penyelaras Program Profesional TISSA-UUM, Dr. Siti Seri Delima Abdul Malak, yang memaklumkan tentang pencalonannya bagi anugerah tersebut, seterusnya menjalani temubual secara atas talian dengan MIA dan ICAEW.

Katanya, lebih mengujakan apabila mengetahui dia telah terpilih sebagai penerima Anugerah Pelajar Perakaunan Terbaik MIA yang telah mengiktiraf pencapaiannya dalam bidang perakaunan.

“Saya berterima kasih kepada UUM yang memberi peluang besar sebagai calon anugerah ini dan ibu bapa saya di atas sokongan dan bimbingan yang diberikan tanpa syarat. Saya juga selalu mendorong diri untuk keluar dari zon selesa.

“Ingat! Kita tidak pernah terlewat untuk memulakan sesuatu jika ingin berjaya, bagaimanapun masa tidak pernah menunggu kita. Segalanya terletak di atas diri masing-masing yang akan menentukan kejayaan diri,” katanya.

Sementara itu, Naib Canselor, Prof. Dato’ Dr. Ahmad Bashawir Abdul Ghani mengucapkan tahniah di atas kejayaan yang diperoleh Wong Wei Qi itu yang mana pencapaian tersebut secara tidak langsung telah melonjakkan lagi nama UUM.

Menurutnya, program perakaunan yang ditawarkan di UUM itu juga telah mendapat pengiktirafan MIA.

“Dengan pencapaian ini membuktikan program perakaunan UUM adalah setanding dengan universiti terkemuka dunia dan selaras dengan hasrat negara menjadikan Malaysia sebagai hab pendidikan dunia yang terbaik.

“Saya berharap kejayaan demi kejayaan yang dikecapi hari ini akan menjadi pemangkin semangat dan inspirasi kepada seluruh warga universiti untuk terus memberikan yang terbaik,” katanya.



Please consider the environment before printing this e-mail



BACHELOR



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.